

A
T R E S I L L V S T R E
E T T R E - E X C E L L E N T S E I G N E V R ,
M E S S I R E
D O N F R A N C O I S
D E M O N C A D E
M A R Q V I S D ' A Y T O N A ,
C O N T E D ' O S S O N A ,

Lieutenant, Gouverneur, & Capitaine General
des Pays-bas, & de Bourgogne.



O N S E I G N E V R ,

*Je depose entre les mains de V. E. ce Pre-
tieux Mausolee, comme remply des seules
reliques qui nous restent de la memoire de cete
Chere Infante d'Espagne. La qualite de Gouverneur que vous
portez par le choix d'un des plus grands Monarques du monde,
me sert de loy & de raison pour vous cōfier cet ouvrage, puis que
je le dedie à la Posterite, sous le Nom Immortel du Roy Catho-
lique, dōt V. E. nous represente aujourd' huy la Majeste. C'et un
Jacrifice solemnel que je fais de mes soings, & de mes veilles à
la Renommee de cete Parfaite Princesse sur l'autel de l'Uni-
vers, V. E. en sera s'il vous plait le Grand Prestre, pour en
celebrer*

E P I S T R E

celebrer dignement les ceremonies , puis que la grandeur de vostre naissance & celle de vostre merite , vous appellent egale-
 ment à l'honneur de cét employ. Mais je suis fort aise Mon-
 seigneur, qu'aprez avoir esté temoing des belles actions dont
 cete Princesse a Illustré nostre siecle , vous ayez encore quelque
 part en sa gloire , comme ayant esté le Premier de ses Conseils:
 De sorte que ses Vertus parleront incessamment des vostres , &
 l'on n'adorera jamais les miracles de sa vie , sans admirer à
 mesme temps les merveilles que vous avez faictes durant son
 regne. Nos Neveux disje, liront sur la Pierre de ce Tom-
 beau que vostre Nom en est exempt , & que vostre Valeur
 vous a faict succeder à la Pieté, pour conquerir autant de courō-
 nes de Lauriers que cete Grāde Infante en a meritē de Palmes.
 Certes Monseigneur , il ne falloit pas de moindres vertus
 que les vostres , pour vous faire regner absolument dans les
 cœurs ausy-bien que dans ces Provinces : car sortant hors de
 l'Empire d'une Princesse dont les Perfections estoient ausy
 cognues que le Soleil, & beaucoup plus admirables encore, pour
 subir les nouvelles loix de vostre autorité, il n'apartenoit qu'à
 vostre merite d'en faire agreer le joug, sans murmurer & sans
 se plaindre. D'où vient que tous les Peuples alarmez du funeste
 accident qui m'a fait mettre la main à la plume, dorment desja
 en repos à l'abry de vostre vigilance, sans craindre les orages &
 les tempestes dont ilz sont menacez , puis que comme un au-
 tre Cæsar vous entrez dans leur Vaisseau , affin que vostre
 Fortune en soit le Pilote , & vostre Prudence le Timon. Ce
 qui me fait croire qu'on quittera bien-tost le dueil pour celebrer

la Feste

D E D I C A T O I R E .

la Feste de vos triumphes , & qu'aprez tant de larmes de douleur on ne pleurera plus que de joye , voyant que vostre Regne est celluy-là mesme des vertus. I'en dirois d'avantage , mais l'impatience me presse de publier que je suis

M O N S E I G N E V R ,

De V. E.

*Le Tres-humble & Tres-obeissant
Serviteur.*

P. D E L A S E R R E .

):():(